

曰三生石上舊精魂。賞月吟風不要論。慙愧情人遠相訪。此身雖異性常存。歌畢舞袖而去。

王珉子前身沙門

漏真記中書令王珉有一胡沙門。瞻珉風采曰。使我後生得為此人作子。願亦足矣。後珉生一子。始能言。便解外國語。及絕域珠。其生所未見。即識其名。咸謂前身沙門也。

鮑靖前身李家兒

晉鮑靖字太玄。年五歲。語父母云。本是李家兒。九歲墮井死。父母訪之。皆然。

偃月公後身胡雛

異人錄。惠州一娼女。震死於市。襁脇下有朱字云。李林甫。以毒害弄權。帝命震死。此女偃月公後身。郭元和元年六月也。

章敦後身胡雛

金徙宋二帝于五國城。去金上京東北千里。名鷓里。暴雷震一牧羊胡雛。背書章敦二字。

夢生類

夢賜蘭生

左。鄭文公有妾曰燕姑。夢天使與巴蘭。蘭有國。

香人服媚之。遂生公子蘭生。

夢龍據生

文帝諱恒。母薄姬。夢龍據胷而生帝。性恭儉。與禮義。專務以德化民。海內富庶。斷獄數百。幾刑措。

夢擁羊生

孝宗母張氏。夢崔府君擁一羊來。曰。以此為識。是歲丁未生。小字曰羊。

夢日入懷生

前武帝母王聖后。夢日入懷。遂生孝武皇帝。

夢吞玉生

崔府君祁州鼓城人也。父讓世為巨農。純良德義。鄉里推重。年將知命。未立繼嗣。讓與妻虔誠禱於北岳。是夜夫妻夢一仙童。手擎一合。詣門曰。帝賜合中之物。令君夫人吞之。言訖。舉令蓋視之。見美玉二枚。夫妻各吞其一。忽然而覺。自後有娠。隋大業三年六月六日。降生一子。神彩秀美。異於常人。幼而從學。日誦千言。不窺羣子之戲。因名子玉。凡事過人。鄉人咸以為天賜也。

夢賜童生

王朝國夢人領一綠衣童子曰。汝有憂民之心。賜此玉童為宰相。是夕夫人孕。生慶之。湘山野錄

夢長庚生

唐李白字太白。始生時。母夢長庚星入懷。而生。因以名之。長庚即太白星也。

夢玉燕生

開元遺事。張說母夢一玉燕飛入懷中。因而有孕。生說。後為宰相。故人有飛燕投懷之句。

夢懸鈴生

梁任昉母晝夢五彩旌蓋。四角懸鈴。自天而降。

墜其一鈴。落懷中心悸。因而有孕。占曰。必生才子。遂生昉。

夢懷鏡生

梁劉溉子鏡。母初孕。夢懷明鏡。因名之。

夢獲碁生

李泰伯母夢二道士弈碁戶外。往觀之。其人取局中一子授焉。遂生泰伯。

夢彩雲生

徐陵母夢五色雲化為鳳。集左肩上。已而誕陵。寶誌摩其頂曰。天上石麒麟也。

夢玉筋生

邵康節母李氏夢神人令以玉筋食羹一杯告曰當生佳兒後李夫人因山行見雲霞間大黑猿有感而孕臨蓐慈烏滿庭人以為瑞是生康節七歲戲于庭蟻穴中別見大日雲氣往來

夢靈鳳生

南王曇逸母夢靈鳳集身因有娠又聞腹中啼聲僧寶誌曰生子當為神仙宗伯

夢黃龜生

梅聖俞生男前一日夢道士贈龜一枚作詩曰

夜夢有人衣帔霓水邊授我黃龜兒明朝我婦忽在藤乃生男子實秀眉

夢婦始生

崔元綜欲娶婦夢人云此非是也君婦始生夢中相隨至東京履信坊見一婦人生女云是君婦俄所議女暴亡後官至四品年三十八乃昏韋涉妹年十九乃履信坊居尋勘歲正所夢之日生定命錄

夢大稱生

唐上官昭容名婉兒母鄭氏方妊夢巨人界大

稱曰持此稱量天下。後內秉機政。史

增修埤雅廣要卷第八

臺灣國家圖書館, NATIONAL CENTRAL LIBRARY, TAIWAN. R.O.C.

增修埤雅廣要卷第九

中大夫守尚書左丞上柱國六郡開國公賜紫金魚袋陸佃撰

蜀府承奉正嘉林只從政奉 教音註重校梓行

蜀府護衛百戶昭信校尉後學牛衷奉 教增修廣要

人道門

異相類

伏羲蛇身

太昊伏羲氏風姓代燧人氏而王蛇身人首始
畫八卦造書契以代結繩之政制嫁娶以儷皮
為禮結網罟教佃漁養犧牲以庖厨故曰庖犧



有龍瑞以龍紀官號龍師

神農牛首

炎帝神農氏姜姓人身牛首繼風姓而立火德
王斲音木木為耜揉木為耒始教耕作蜡祭以赭
鞭鞭草木嘗百草始有醫藥教人日中為市交
易而退

帝嚳自名

帝嚳音谷高辛氏玄囂之子黃帝曾孫也生而神
靈自言其名代顓頊而立居於亳

蒼頡四目

蒼頡軒皇之史也廣頡四目見結繩刻木穴木
便乃仰觀俯察始為字時天雨粟鬼夜哭後魏
武征馬超觀者重沓公儻之曰汝觀曹公邪亦
人也非有四目兩口但多智爾史

堯眉八彩

帝堯陶唐氏伊祁姓或曰名放勛帝嚳子也其
仁如天其知如神就之如日望之如雲眉舒八
彩母娠十四月而生

舜目重瞳

帝舜有虞氏姚姓自有重瞳或曰名重華瞽瞍

之子。顓頊六世孫也。淮南項羽亦重瞳。又隋魚俱羅重瞳。煬帝忌而誅之。史記南唐李煜一目重瞳。五代東漢劉旻重瞳。史

禹耳三漏

按帝王世紀云。鯀納有莘氏臆胸。拆而生禹於石紐。耳有三漏。元和志云。禹本汶山廣柔人。以六月六日生於石紐村。其石緣色。古石紐在茂州。有故廟。今石紐隸石泉軍。

文王四乳

文王四乳。淮南范鎮兄鏃卒。有遺腹子在外。公

徒步求之。兩蜀二年。乃得之。曰。吾兄異於人。體有四乳。是兒亦然。驗之果然。又唐高祖體有三乳。齊王敬則兩腋下生乳。長數寸。位大司馬。史

晉文重耳

晉公子生駢脇而重耳。故其小字曰重耳。後霸諸侯。是為文公。

老君聃耳

老子生而白首而聃耳。字書云。聃他甘切。耳曼上垂下。而無輪郭之謂也。世傳遺像多肖之。

孔聖駢齒

先聖孔子身長九尺二寸腰大十圍凡四十九表坐如龍蹲立如鳳跂望之如仆就之如昇肩有一十二彩目有六十四理其頭似堯其額似舜其項類皐陶其肩類子產自腰以下不及禹三寸。孔子世傳

漢祖黑子

漢祖母寢池上感蛟龍而生隆準而龍顏左股有七十二黑子。

漢宣足毛

漢宣帝戾太子之孫也名病已生而足心有毛

昭烈大耳

涿郡劉備字玄德景帝中山靖王勝之後也有大志少言語喜怒不形於色手垂下膝能自顧耳小字大耳兒是為蜀漢昭烈皇帝。

靈王出髭

周靈王諱泄心簡王之子也生而有髭其太子晉好吹笙作鳳鳴後至緱嶺仙去。

越王鳥喙

范蠡遺大夫種書曰越王長頸鳥喙可與共患難不可與共宴樂乃乘舟遊五湖號陶朱公。史

晉武髮長

西晉世祖武皇帝。姓司馬。名炎。昭之子。懿之孫也。昭為晉王。議立世子。議者以炎髮長委地。手垂過膝。非人臣之相。嗣為王。遂即帝位。

晉宣狼顧

晉宣帝。姓司馬。名懿。少有奇才。節多大略。慨然有憂天下之心。魏武聞其有狼顧相。使前行。令反顧。正面向後。而身不動。

梁武無影

梁武帝。項有浮光。身轉無影。又丙吉為陳留令。

有富翁九十。取田客女為妾。後生男。長子以父年高。非其子。爭財數年。州郡不能決。吉至曰。吾聞真人子無影。老人子亦無影。且不耐寒。取同年兒裸試之。時初秋。此兒獨啼寒。及並行日中。果無影。人皆服之。漢書列傳

齊高龍紋

齊高帝。肩有日月痣。遍體隱隱皆龍鱗也。

隋高角出

隋高祖文皇帝。姓楊氏。名堅。弘農人也。相傳為東漢太尉震之後。父忠仕魏。及周有功。封隋公。

堅襲爵。堅生而有異。宅傍有尼寺。一尼歸。自鞠之。一日尼出。付其母。自抱。角出鱗起。母大驚。墜之地。尼心動。亟還。見之。曰。驚我兒。致令晚得天下。

王莽虎吻

王莽虎吻。日。

太宗日表

李唐太宗文武皇帝。名世民。幼日有書生見之。曰。龍鳳之姿。天日之表。其年幾冠。必能濟世安民。書生去。高祖使人追之。不見。乃採其語為名。

武后鳳頸

素天綱謂武后龍瞳鳳頸。極貴驗也。史

杜后生齒

晉成帝后杜預女孫。少有姿色。長無齒。有求婚者。輒中止。及成帝納綵之日。一夜齒皆生。在位無子。二十一年崩。先是三吳女子相與簪白花。望之如素柰。傳言天公織女死。為之着服。至是而后亡。

章后紅爪

陳武章后。手爪長五寸。色並紅。每有暮功之服。

則丁爪先折。

李后崑崙

晉簡文帝無子。令相者閱宮人。時李后在織坊中。形長而黑。號崑崙相者曰。此其人也。侍寢生孝武。

丁嬪赤痣

梁武丁貴嬪有赤痣在臂。而體多疣子。年十四。帝納之。並失所在。史齊明帝。脾上赤痣。及輔政。江拓勸帝出以示人。帝袒語王洪範曰。人謂是日月相。卿幸無洩。江拓傳

壽陽梅額

宋武帝女壽陽公主。卧含章簷下。梅花落額上。拂不去。自後有梅花妝。雜五行書

馬婦鎖骨

馬郎婦菩薩也。憫陝右人不屬化。乃為美婦。賣魚姿貌。風韻人求為姻。曰。我亦欲有歸。不用聘禮。但一夕能誦普門品者。事之。至明誦者二十輩。曰。女子一身。豈配眾等。可誦金剛經。至日通者。猶十數。更授法華經。三日通者。至期。獨馬氏令具禮成婚。迎之。至家。婦曰。適體不佳。少安相。

見客未散而婦死。已壞爛。葬之數日。有老僧來問所由。引至葬所。僧以錫撥塚。尸已化。唯金鑠骨在焉。僧以骨挑錫上。鈎結皆如鎖狀。釋氏通鑑

麻姑長爪

麻姑至蔡經家。指爪長數寸。如鳥爪。經意其可爬癢。忽有鐵鞭鞭其背。

郭威雀項

周太祖姓郭氏。名威。太原人也。唐莊宗有宮人柴氏。歸其家擇姻。一日窺于門。見有疾走而過者。柴氏大驚。問何人。告者曰。從馬軍使郭雀兒。

也有雌青在項。故有此名。柴氏欲嫁之。父母不肯。曰。汝帝左右人。歸當嫁節度使。柰何嫁此人。柴氏堅不嫁他人。竟歸威。

宋祖香孩

後唐明宗天成元年丙戌。每夕於宮中焚香祝天曰。某胡人。因亂為眾所推。願天早生聖人。為生民主。明年丁亥。宋祖匡胤生於甲馬營。赤光滿室。營中異香一月。人謂之香孩兒。營少從辛文悅學。文悅嘗夢邀駕。乃匡胤也。

仁宗赤脚

朱仁宗每視朝之暇。在宮中好赤脚。有道人云。赤脚大仙也。詳宿生類

后稷鳥翼

后稷母履臣人之跡而生。以為不祥。棄之冰上。鳥以翼藉覆之。姜原以為神。收養之。名曰棄。是為周之始祖也。

徐君卵生

徐君宮人有孕。生卵。棄之。有大蒼頡啣卵歸。母腹煖之。生兒。宮人取為己子。是為偃王。

子文虎乳

楚令尹子文初生。棄於夢澤。虎乳之。楚人謂乳穀。謂虎於菟。故命之曰鬬穀於菟。

陸羽鴈翼

陸羽字鴻漸。初不知所生。有僧見羣鴈以翼藉一小兒。收養之。既長。自筮得漸。曰鴻漸于陸。其羽可用為儀。因為姓名。隱苕溪。稱桑苧翁。嗜茶。著茶經。陸逸傳

因霄重舌

西方因霄國人善笑。聲聞百里。云彼人兩舌重。脊又云。舌尖倒向喉內。拾遺記

弘景方瞳

南史陶弘景年踰八十。而有壯容。末年一眼有時而方。仙經云。眼方者壽。

審通三耳

張君房脞說。隋董慎為真府。追為右曹錄事。仍辟常州張審通為管記。慎令作判申天府。後有天符來云。申甚允當。慎乃取方寸肉擘為耳。安審通額上。曰。與君三耳可乎。審通復活。後數日覺額癢。湧出一耳。尤聰。時人笑曰。天有九頭鳥。地有三耳秀才。亦呼雞冠秀才云。

成已缺耳

唐殷成已位晉州長史。初母顏叔父為酷吏所陷。顏割左耳許寬。及成已生。缺左耳。史

杜乂漆眼

晉杜乂。王羲芝目之曰。膚如凝脂。眼如點漆。神仙人也。

姜維斗膽

蜀姜維死時。剖維腹。膽如斗大。

李瞻升膽

李瞻為侯景所執。破腹見其膽如升焉。史

馬良白眉

馬良字季常兄弟五人俱有才名良眉中有白毫號白眉先生辟為荊州從事詩語曰馬氏五常白眉最良

許慎長鬚

許慎字秀良迂尚書鬚下垂至帶號長鬚公

岑本長眉

有胡僧不知幾百歲眉長數寸太白為作歌袁天綱見岑文本曰學堂瑩夷眉長過目他日文庫冠天下本眉毛覆眼唐毛若虛傳

姚泓綠毛

一野叟體生綠毛自云我即姚泓也食松栢則長生唐逸史

何晏白面

魏何晏面絕白文帝疑其着粉後與湯餅啖之大汗出隨以衣自拭色轉皎白帝始信之語林

元海赤毛

晉劉元海鬚長二尺當心赤毫毛三根三尺六寸史載記

盧杞藍面

郭子儀病甚。造省不屏姬侍。及盧杞至。則屏之。隱凡而侍。家人恠問其故。曰。彼藍面鬼色。外陋內險。左右見必笑。使後得權。吾族無類。

黃昌黑痣

後黃昌為蜀太守。初昌婦遇賊。流轉入蜀。為人妻。其子犯事。詣昌自訟。昌曰。妾本會稽餘姚戴次公女。州佐黃昌妻。昌驚曰。何以識昌。對曰。昌左足心有黑子。常自言當為二千石。昌出足示之。相持悲泣。還為夫婦。

班超燕頤

音頤

班彪字叔皮。次子超。字仲升。幼相者曰。燕頤虎頭。飛而食肉。萬里侯相也。明章兩朝征西域。集五十餘國。封定遠侯。

岳飛猿臂

吳太史慈猿臂善射。弦不虛路。李廣為人猿臂善射。宋岳飛猿臂善射。挽弓三百斤。皆異藝也。

元載鼠目

苗晉卿薦元載。李揆曰。麀頭鼠目。乃求官邪。

詠之兔缺

晉魏詠之生而兔缺。醫曰。可割而補。須百日不

語笑詠之曰。半生不語而有半生。亦當療之。况
百日邪。後至征虜將軍。晉魏詠之傳

李嶠龜息

素天綱相李嶠。睡則氣從耳出。名龜息。必大貴
壽。

杜預蛇吐

晉杜預醉卧嘔吐。人竊窺之。見一大蛇垂頭而
吐。史

龜年禽語

白龜年。樂夫子也。一日於嵩山。更中遇李白。曰

吾與汝父皆仙矣。出一軸素書曰。讀此可辨九

天禽語。試之悉驗。事文類聚

楊宣雀語

嗜舊傳。楊宣為河南行守。有數雀鳴桑樹上。宣
謂吏曰。前有覆車粟。此雀相隨欲往食。行數里
果有覆車粟。

翁偉馬語

楊翁偉能聽鳥獸之音。嘗乘蹇馬之野。有放馬
鳴聲相聞。翁偉曰。彼放馬者目眇。其御曰。何以
知之。曰。彼罵此馬曰。蹇馬。此馬亦罵曰。眇馬。其

御視之果然。王克論衡

處宗雞語

宋處宗獲一雞着窓間。雞作人語。與處宗談論。有玄致。因此功業大進。

令威鶴語

遼東華表柱。忽有鶴集其上。而人語云云。見人化鶴。

亞夫餓相

周亞夫為河南守。許負相之曰。君後二歲為侯。八歲為將相。持國秉政。後九年當餓死。亞夫笑。

曰。既已貴如負言。又何餓死。負指其口曰。縱理入口。此餓死法也。與鄧通事互看。

王顯作繭

文皇戲王顯曰。抵死不作繭。及文皇登極。因奏曰。今日得作繭耶。帝曰。卿無貴相。朕非為卿惜也。曰。朝貴夕死。足矣。帝與三品服。其夜卒。朝野僉載

紹宗蒜髮

慕容紹宗曰。吾數年有蒜髮。昨來忽盡。其筭盡乎。未幾投水死。史

馬周伏犀

馬周少時素天網見之曰伏犀貫腦背若有負貴相也岑文本曰周乃鳶肩火色騰上必速貴然不能久遂四十而卒

馬祖長舌

馬大師生而舌長舐鼻時謂馬駒踏殺天下人

曇如白足

釋曇如足白於面雖跣涉泥水未嘗沾濕稱白足和尚難陀集

李泌輕身

李泌少時身極輕能於屏風上行既長辟谷導

引骨節節珊然人謂鎖子骨詣僧懶殘殘曰勿多言領取十年太平宰相鄭俠家傳

黃門手板

齊恩倖綦毋珍之在西州有相手板者云當貴每以此言動帝珍之又圖黃門郎帝問西州手板何在珍之曰此是黃門手板官何須問帝笑又宋庾道愍精相手板山陽王休祐屢以言語忤意道愍相其手板曰此乃甚貴然使人多愆忤史

黃檗足痣

黃檗運禪師得道之後。忽思省侍父母。一婆子出門問何處。師曰。江西。婆曰。我家亦有一子。在江西多年不歸。因借宿請婆親為洗足。師足心有痣甚大。婆失記是其子。次日師辭去。於三里外。與鄉人云。吾母不識山僧。我但母子一見足矣。鄉人報知其母。母趕至福清渡。師已登舟。母一跌而終。師亦不回顧。但於隔岸秉炬法語云。一子出家。九族生天。若不生天。諸佛妄言。擲炬火燃。兩岸人皆見其母於火焰中。轉為男子身。昇空而去。後官司改福清渡為大義渡云。

神光換骨

慧可初坐香山八載。有神人曰。將欲受果。何滯此邪。翊日頭痛如刺。欲治之。聞空中曰。與師換骨。非常痛也。痛癒。視頂其骨如五峯秀出。傳燈

潘岳俊面

潘岳質美。常出。婦人投果滿車。張載貌醜。每出小兒以瓦石擲之。委頓而反。世之好妍惡媿如此。

林公醜面

王長史病。守門人曰。一異人在門。王笑曰。此必

林公也。阮光錄曰。欲聞其言。惡觀其面。此則林

公之形信醜矣。世說

劉綜欲侯司馬徽事同。詳詳誤類

玄妻黥黑

有仍氏生女。黥_音黑而甚美。光可以鑑。名曰玄

妻。左傳

方進奇骨

翟方進年十五為小吏。運鈍。數為塚吏罵辱。乃

詣蔡父相。大奇其形。曰。小吏有奇骨。當以經術

進。謝病而歸。

增修埤雅廣要卷第九

臺灣國家圖書館, NATIONAL CENTRAL LIBRARY, TAIWAN, R.O.C.

增修埤雅廣要卷第十

人道門

誕生類

手文武字

周文王少子生。手文曰武。因以為氏。斯武姓之始也。

手文虞字

周武王少子生。手文曰虞。因名曰虞叔。成王封于唐。是為虞氏之始也。

手文友字

左閔成季之將生也。桓公使卜。楚立之父卜之。曰男也。其名曰友。在公之右。間于兩社。為公室輔。季氏亡。則魯不昌。又筮之。遇大有之乾。曰。同復于父。敬如君所。及生。有文。其手曰友。遂以命之。

手文王字

隋高祖生。而手有文曰王。

手文為魯夫人字

宋武公生仲子。生文在其手曰。為魯夫人。故仲子歸於我。生桓公。

增修埤雅廣要卷第十

人道門

誕生類

手文武字

周文王少子生。手文曰武。因以為氏。斯武姓之始也。

手文虞字

周武王少子生。手文曰虞。因名曰虞叔。成王封于唐。是為虞氏之始也。

手文友字

左閔成季之將生也。桓公使卜。楚立之父卜之。曰男也。其名曰友。在公之右。間于兩社。為公室輔。季氏亡。則魯不昌。又筮之。遇大有之乾。曰。同復于父。敬如君所。及生。有文。其手曰友。遂以命之。

手文王字

隋高祖生。而手有文曰王。

手文為魯夫人字

宋武公生仲子。生文在其手。曰為魯夫人。故仲子歸於我。生桓公。

曾文卍字

釋迦文佛背負圓光曾題卍字。

曾文制作定世符字

宣聖之生也。手握天文。足履度字。曾有文曰。制作定世符。五字。錄見券語

古文八字

通載下。梁武帝舌文八字。手文武字。

手文裴休字

于闐國王生子。手文裴休二字。聞于中朝。其子弟欲迎之。彼國不允而止。

背有草付字

孫堅背有草付字。合而言之符也。識謂讎堅而王者符其姓。故秦蒲泚本以蒲生五丈。節如竹形。因以為氏。及其欲應時識也。乃改曰符堅。

足有輪文

馬大師。足掌有輪文。

夢兆類

夢賚良弼

武丁居喪三年不言。夢上帝賚以良弼。乃使人以形旁求於天下。得傳說於版築之間。命以為

相真良弼也。

夢黃頭郎

夫濯缸俱着黃帽者。以土勝水也。謂之黃頭郎。文帝嘗夢之。及見乃鄧通也。遂愛幸之。賞賜累鉅萬。相云當貧。既死帝曰富通者在我。乃賜蜀銅山。得自鑄錢。後有罪寄死人家。竟如相言。

夢見周公

孔子少時欲行周公之道。故常夢之。及其老也。嘆曰甚矣吾衰也。吾不復夢見周公。

夢日遶營

晉王敦反。帝自出見敦軍。敦晝夢日環其營。驚悟曰黃鬚鮮卑兒來。帝毋鮮卑出也。亟遣人追之。不及。帝帥諸軍出屯南皇堂。夜募壯士渡水掩敦。兄王含軍大破之。敦聞含敗。曰我兄老婢耳。門戶衰。世事去矣。因作勢起欲自行。困乏復卧。尋卒。敦黨悉平。發敦屍斬之。

夢筆點額

北齊文宣將受禪。夢人以筆點額。王曇哲曰。王上加點為主。當進也。史

夢手捧天

倦游錄韓魏公夢以手捧天者再後果輔英宗神宗。

夢手捧日

魏崔昱少時夢上泰山以兩手捧日史

夢蛆附尸

唐高祖舉兵夢身死墜床下為羣蛆所食智滿禪師曰公得天下矣羣蛆共食億兆趨附也錄

夢河去水

宋主有疾夜夢河水乾憂形於色以為君人者龍之相今河無水是不獲水居矣既而詢諸宰

輔對曰河無水乃可字也陛下之疾痊可矣帝欣然疾果愈。

夢木撐天

王敦謀逆夢將一木上破天許真君曰此是未字未可動爾列仙傳一曰郭璞。

夢菜生墀

宋真宗策士夢殿下菜甚盛與殿基相齊拆卷第一人乃萊齊也東齋遺事

夢拔羊角

沛公始為亭長夢逐一羊拔角尾皆落辨者曰

羊去角尾。乃王也。及送徒咸陽。觀警蹕。嘆曰。大丈夫當如是。

夢頭出角

宋鄭獬夢浴於玉龍池。視臂生白鱗。水影中見頭上生角。果狀元及第。

夢生羊角

國朝永樂初。設科取士。廬陵錢舉發解南省。皆首冠。及將廷試。忽夢頭生羊角。同年曰。頭角崢嶸。在此舉矣。傍一人曰。非也。羊角乃解字也。恐有解姓者。復居首耶。及拆殿榜。臚傳狀元果解。

摺也。

夢鷓折翼

武后之將季也。夢鷓折兩翼。仁傑曰。鷓者。陛下姓也。兩翼。陛下子也。折翼者。是無輔翼也。乃有帝房州。

夢生八翼

陶侃夢生八翼。飛而登天。見天門。登其八。惟一門不得入。闢者擊之。墜地。折其左翼。後果都督八州。一日如廁。見朱衣介幘者。謂之曰。君當為公。位八州都督。言訖而隱。

史

夢與帝鬚

宋周必大以燔庫藏咎為已任。免官就謫。所往辭婦翁。翁夢人曰。掃雪迎宰相。而必大適至。時必大夢至一所。見殿上語曰。彼貌雖陋。以帝鬚與之。既覺而願廢。遂生美鬚。後竟居台鼎。相者詣之。莫知所貴。良久。將其鬚曰。帝王鬚也。

夢人剃髭

趙宋李迪。美髭髯。御試夢剃削俱盡。解者曰。省元是劉滋。今替滋矣。果狀元及第。

夢舌生毛

馬亮知江陵府。當代夢舌上生毛。僧曰。舌上生毛。剃不得。當再任。果然。青箱雜記。一作馮延巳臨川事。

夢人易頭

賈弼夢人易其頭。遂能半面笑。半面啼。文房語

夢神換頭

蜀遂寧府士人岳某。并閬州士人李某。祈夢于曲山梓潼帝君之祠。二人者素不相識。然所禱皆功名之事。岳夢至一室殿。見一王者冠冕坐于殿上。侍衛七八人。傍有持簿者。岳直前問

曰某前程如何未幾又見李進前亦以前程叩之執簿者閱簿覽姓名畢上殿言于王者之前忽一人下殿傳旨曰汝二人皆可貴但身與頭不相稱必須兩易其頭岳聞之驚恐其人曰汝畏換頭無復貴矣言畢忽有一人手持斧鉞引岳至廊廡之下須臾又引李至使二人瞑目而立竟易其頭夢醒頭間尚有微痛早起僕見其面目不似恠之然其聲不改且歷言昨日祈夢之故及歸妻子各駭然問平日家庭之事應對皆無舛遂備說夢中換頭之因妻子之心稍

安其年領鄉薦明年登科岳調重慶府江源縣主簿李亦登科得簿尉之缺既歸李丁憂岳之任將滿李服除再調亦得江源主簿與岳為代二君雖同時祈夢然各宿不相會面以交代始得相識岳之妻子驚曰李之面岳前日之面也李之妻子亦驚曰岳之面李前日之面也飲酒極勸相與言前日之夢各大驚寤後官俱顯蜀士以為羨記

夢狼啖脚

晉張遜嘗奉使夢狼啖一脚索統曰脚肉被啖

為却字。後果不行。索統傳

夢邀車駕

宋太祖姓趙，字匡胤。少時隨辛文悅受學。文悅嘗夢邀駕，及見却是匡胤。至周世宗時，管軍務。世宗一日在文書裏，恰得一木簡，上書云：點檢作天子。此時張永德做點檢，世宗遂換永德教匡胤代替，後竟受禪。

夢人安鼻

徐郎中夢神人携一竹籃，其中皆人鼻。視徐曰：形相不薄，但鼻曲而小，削乃於籃中擇一鼻安

之神笑曰：好一正郎鼻也。徐鼻自爾端直，歷官

正郎。括異志

夢蠅集鼻

魏何晏問管輅曰：余夢青蠅數十集鼻上。輅曰：鼻如天中之山，青蠅臭惡之物，而集其上，位峻者顛也。史

夢人剪舌

夔州道士王朝朗舌長，呼字不正。忽夢老君剪其舌，既覺語遂正。廣異記

夢人鑿心

尹知章夢人持巨鑿破其心。志思開徹。遂明六經。本

夢神决脇

唐肅宗吳后夢神介而劍。决脇以入。燭至。其文隱然。生代宗。史

夢換鬼眼

陶穀少時夢數吏云。奉符換眼。吏求錢十萬。安第一眼。穀不應。又云。錢五萬。安第二眼。復不答。吏曰。止安第三眼。即以二丸納入眼中。既覺。眼深碧。後相者曰。好貴人骨氣。奈一雙鬼眼。何必

不至大位。乘異記

夢腹生松

丁固夢松生腹上。松字十八公。後十八年為公。

夢半身熱

南齊車騎將軍張敬兒。好信夢。初為南陽守。妻夢一手熱。為雍州。夢一脾熱。為開府。夢半身熱。敬兒意欲無限。謂人曰。吾妻將夢通身熱矣。齊主惡殺之。

夢撐鐵缸

吉水湓塘楊某。政和間赴舉。巧夢南祠。夢神告

云。汝欲請舉。須待張果老。撐舡乃可。既覺。度必不舉。豈有張果老。撐鐵舡之理。建炎渡江。庶事草創。詔天下貢闈。有遭兵火者。權就寺觀試。而吉州通在能仁寺。楊某入試。置卓於廊廡間。坐定。忽見壁間所畫。乃張果老撐鐵舡故事。心切自喜。後撤棘果領薦。

夢轉銅柱

北齊陽休之。夢登大冢。見一銅柱。跌為蓮華形。體休之。登柱礎。以手捉柱。曰。柱轉三匝。吾至三公。銅柱遂三匝。後竟驗。史

夢青鏤管

梁紀少瑜。嘗夢陸倕。以一束青鏤管筆授之。其文因此大進。青箱雜記

夢屋懸刀

王濟夢懸三刀於梁上。須臾又益一刀。李毅曰。三刀為州。又益者。明府其臨益州乎。果遷益州刺史。

夢與褥席

梁柳慶遠從兄世隆曰。吾昔夢太尉。以褥席見賜。吾遂亞台司。適又夢以吾褥席與汝。汝必光

我門族慶遠果開府史

夢斷盤囊

晉鄧攸夢行水邊見一女有猛獸自後斷其盤囊水邊女是汝字斷盤囊者新獸頭代故獸頭也非汝南當汝陰果迂汝陰守

夢虜脫衣

索充夢虜脫上衣索統曰虜字去其上乃男字也當生男

夢軍執火

座主欲擇榜首而未決夢軍持火乃首名輝者

果符輿

夢人索錦

江淹嘗夢張景陽曰昔以匹錦相寄今可見還淹探囊中得數尺與之其人怒曰那得割截都盡自此淹文章躓矣本傳

夢人遺墨

王勃夢人遺以負墨盈袖自此文章日進百陽雜俎

夢吞易爻

虞詡奏曰郡吏陳桃夢臣與一道士布易爻撓其二以飲臣臣乞盡吞之道士曰易道在天三

交足矣。

夢吞丹篆

韓文公夢人與丹篆一卷吞之。傍一人拊堂而笑。後見孟郊乃夢中傍笑者。

夢吞沙篆

王仁裕好為詩。嘗夢剖腸胃。以西江水濯之。見沙石。比日為篆。楷文。因取吞之。文思益進。因號詩集為西江集。五代史

夢五色雲

張迥苦吟。夢吞五色雲。遂精雅道。郡閭雅談。南唐野史

夢五色筆

江淹夢人授五色筆。由是文藻大進。後夢郭璞曰。吾筆可見還探囊中。得五色筆還之。爾後無美句。本

夢召書銘

群仙正草新宮銘。坡注云。蔡少霞夢人召書新宮銘。曰。蔡陽真人山玄卿撰。

夢筆如椽

王珣夢人以大筆如椽與之。既覺。占者曰。此當有大手筆事。俄武帝崩。哀冊謚議。皆珣所草。本

夢筆生花

李白夢筆生花。自是才思日進。遺事

夢授二筆

五代唐馬裔。孫夜夢神手授二筆。後入中書堂。吏奉一筆。如夢中所授者。太平廣記

夢昆皆字

杜牧頃於宰執求小代。小秋皆不遂。夢人曰。辭春不及秋。昆脚與皆頭。果得北部員外尚書。故實。

夢拔馬蘭

後魏爾朱兆謀入洛。夢登一高堆。拔馬蘭。手至無不盡出。故兆謂必剋。馬蘭莞屬。可為席者也。史

夢乘龍起

龍起。擢進士第。丁咸未第。時夢乘龍而起。回顧。又有駱駝在後。及登第。次其下者。乃龍起。駱起也。

夢先入試

有士子將赴試。夢先入場屋。撰書已訖。而其他始至。覺而語諸妻。喜曰。今秋大比之魁。焉知擢

非其耶。妻曰：非也。子不憶魯論曰：先進乃第十
一也。及撒棘視榜，果然。

夢夜為君

有老役夫，晝則呻吟即事，夜則熟寐。夢為國君，
覺而曰：吾晝為僕，夜為君，何愁？列子

夢占大象

後張茂夢大象，問萬推曰：象者，獸也。獸者，守也。
君當為郡，然不能善終。象有齒焚身，皆如其言。
史

夢羊踏園

有人常食蔬，忽食羊肉。夢五臟神曰：羊踏破爾
菜園矣。啓顏錄

夢內有人

晉索統明術數，宋桶夢內有人，着赤衣，桶把兩
杖極打之。統曰：內有人，乃肉字也。朱衣，肉赤色
也。兩杖，箸象也。極打，飽肉食也。果驗。

夢糞得財

殷浩或曰：將涖官而夢棺，將得財而夢糞，何也？
浩曰：官本臭腐，故將官而夢尸。錢本糞土，故將
得錢而夢穢。本

夢食萬羊

李德裕召僧問林谷僧曰公災當萬里南去平生當食萬羊今食九千五百矣公嘆曰吾師至人吾嘗夢行晉山有牧羊者十數迎拜曰此侍即平日所食羊吾識此夢不洩於人今果如師之說邪然旬日米暨遣使饋羊四百公大驚曰吾不食之僧曰羊至此已為相公所有矣旬日貶潮州司馬連貶唐州司戶卒太平廣記

夢冰人語

晉令狐策夢立冰上與冰下人語卜曰為陽語

陰媒介上也冰泮而昏成會太守田豹因策為子求張公徵女仲春成昏

夢占失禾

後蔡茂夢取得中穗禾復失之郭喬卿曰禾失為秩失之得祿秩也旬日徵為司徒史

夢王擲門

李盛作安南守夢人以玉擲於門盛曰閨字也

夢遊仙府

張宣熙寧中夢行仙府中聞天風海濤聲振林木徐見海中樓闕金碧瓊瑤琅琅者數百人揖

曾出紙請賦詩。細視筆硯皆碧玉色。且戒之曰：此間文章要似隱起鸞鳳與織女機杼分巧。過是乃人間語耳。曾成一絕云：天風吹散赤城霞，染出連雲萬樹花。誤入醉鄉迷去路，傍人應笑忘還家。有仙人曰：子詩絕佳，未勉近凡。酌酒一杯，極甘寒，忽覺身墮萬仞山而覺。

夢到瑤臺

許澶暴卒，三日醒作詩云：曉入瑤臺露氣清，坐中惟見許飛瓊。塵心未盡俗緣在，十里下山空月明。復寐改第二句云：天風吹下步虛聲。曰：昨

夜夢到瑤臺，有女三百餘人。一云是許飛瓊，令改二句，不欲世間知有我也。逸文

夢兩匹絹

宋沈慶之年八十，夢人以兩匹絹與之，曰：此絹足度寤日，今年不勉矣。兩匹八十尺也。

夢曰中炊

王生善卜，賈客張膽將歸，夢炊曰：中生曰：君歸不見妻矣。曰：中炊是無釜也。雜俎

夢歲在辰

鄭玄夢孔子告之曰：起起，今年歲在辰，明年歲

在己。云知命當終也。懺云歲在龍蛇貴人嗟。本
夢是因想

衛玠嘗問樂廣。夢廣云是想玠。曰形神所不接。而夢豈想耶。廣曰因也。玠思之經月不得。遂成疾。廣為剖析。即愈。史

鷓鴣夢鷓搏

開元中。嶺南獻白鷓鴣。呼雪衣娘。上令以近代詩詞授數遍。即誦。上與諸王及貴妃博戲。上稍不勝。左右呼雪衣娘。必飛入局中鼓舞。以亂其行列。或啄嬪御及諸王手。忽一日語曰。雪衣娘

昨夜夢為鷓鴣鳥所搏。將盡於此乎。上使貴妃授以多心經。記誦精熟。若懼禍難。有所禳者。後為鷹搏之。死瘞於苑中。呼鷓鴣塚。

三夢芻狗

魏周宣善占夢。有人三夢芻狗。其占不同。皆驗。宣曰。芻狗祭神之物。故始夢云當得美食。祭訖則為車所轆。故中夢云當折車脚。其後必以為薪。故後夢云當失火也。史

品物門

鱗族類

龍

鱗蟲三百有六十。而龍為之長。龍八十一鱗。具九九之數。九陽也。鯉三十六鱗。具六六之數。六陰也。龍亦卵生。思抱雄。鳴上風。雌鳴下風。而風化。有鱗曰蛟。龍有翼曰應。龍有角曰蚪。蚪音龍。蓋蟲莫智於龍。龍之德不為妄者。能與細細。能與巨巨。能與高高。能與下下。故易乾以龍御天。坤

以馬行地。龍天類也。馬地類也。易曰震為龍。震為龍以動故也。周易以變者為占。故乾六爻皆動。皆謂之龍。所謂初九。九二。九三。九四。九五。上九。是也。蔡墨曰。龍水物也。周易有之。在乾之姤曰。潛龍勿用。其同人曰。見龍在田。其大有曰。飛龍在天。其夬曰。元龍有悔。其坤曰。見羣龍無首。吉。蓋乾初九變而之姤。九二變而之同人。九五變而之大有。上九變而之夬。音平六者俱動。變而之坤。是以蔡墨之言如此。知此則知震所以為龍之義矣。賈誼新書曰。亢龍往而不能反。故易

品物門

鱗族類

龍

鱗蟲三百有六十。而龍為之長。龍八十一鱗。具九九之數。九陽也。鯉三十六鱗。具六六之數。六陰也。龍亦卵生。思抱雄。鳴上風。雌鳴下風。而風化。有鱗曰蛟。龍有翼曰應。龍有角曰蚪。蚪音龍。蓋蟲莫智於龍。龍之德不為妄者。能與細細。能與巨巨。能與高高。能與下下。故易乾以龍御天。坤

以馬行地。龍天類也。馬地類也。易曰震為龍。震為龍以動故也。周易以變者為占。故乾六爻皆動。皆謂之龍。所謂初九。九二。九三。九四。九五。上九。是也。蔡墨曰。龍水物也。周易有之。在乾之姤曰。潛龍勿用。其同人曰。見龍在田。其大有曰。飛龍在天。其夬曰。元龍有悔。其坤曰。見羣龍無首。吉。蓋乾初九變而之姤。九二變而之同人。九五變而之大有。上九變而之夬。六者俱動。變而之坤。是以蔡墨之言如此。知此則知震所以為龍之義矣。賈誼新書曰。亢龍往而不能反。故易

曰。有悔。有悔者。凶也。潛龍入而不能出。故易曰。勿用。勿用者。不可也。觀誼之言。如曰。勿用者。戒使勿為潛龍也。故曰。潛之為言也。隱而未見。行而未成。是以君子弗用也。蓋止使人無為。謂之勿。所謂勿用娶女。勿用有攸往。小人勿用之類。皆戒使勿為也。俗云。龍精於目。蓋龍聳故精於目也。陰陽自然變化論曰。驪龍之眸。見百里。織芥。又曰。龍能變水。人能變火。又曰。龍不見石。人不見風。魚不見水。鬼不見地。孫綽子曰。高祖御龍。光武御虎。龍韓彭之類。是也。虎耿鄧之類。是也。

也。法言曰。龍以不制為龍。聖人以不手為聖人。手取也。言雖容有飛禍。而非其所取。詩曰。賓載手仇。手取也。酈元水經曰。魚龍以秋日為夜。按龍秋分而降。則蟄寢於淵。龍以秋日為夜。豈謂是乎。莊子曰。朱泚漫學屠龍於支離。益殫千金之產。三年技成。而無所用其巧。此言技術雖高。而應世稍疎。則無所用之。是以君子因時施宜。事在於適而已。豈必一二。以追先王之迹哉。舊說。鼈畏葱。蛟龍畏鐵。又云。龍肉以醯音希漬之。則文章生。今相衆說。龍人臣得其一體。當至公相。

曾公亮得龍之脊。王安石得龍之睛。內典云。龍火得水而熾。人火得水而滅。按葬書。以龍言山。以虎言水。六龍九虎是也。直山直水。謂之死龍。死虎。故曰。小頓大起。宛轉如盤龍。奮迅如舞鶴。謂之住岡。

鯉

此今之頰音鯉也。一名鱣音鯉。脊中鱗一道。每鱗上有小黑點文。大小皆二十六鱗。魚之貴者。故爾雅釋魚。以鯉冠篇。而養魚經曰。所以養鯉者。鯉不相食。易長又貴。是也。神農書曰。鯉最為

魚之主。今人以盤水養之。雖困鱗不反白。蓋健

魚也。詩曰。魚麗于罟。音柳鱗音鯉。沙音鯉。魚麗于罟。魴

音房鱧音禮。魚麗于罟。鯉音鯉。蓋鱗魚黃。魴魚青。鱧

魚玄。鯉魚白。鯉魚赤。則五色之魚具備。故序以

為萬物盛多也。俗說魚躍龍門。過而為龍。唯鯉

或然。亦其壽有至千歲者。故詹何之釣。千歲之

鯉。不能避也。鱗鄰也。鯉里也。鯉進於魚矣。殆亦

龍類。是以仙人乘龍。亦或騎鯉。乃至飛越山湖。

魴

魴。一名鯉。音京。比今之青鱊音邊也。郊居賦曰。赤鯉

青魴。細鱗縮項闊腹。魚之美者。蓋弱魚也。其廣方。其厚。編音編。故一曰魴魚。一曰編魚。魴方也。編編也。詩曰。川澤訐訐。精魴鱣。甫甫。甫甫。美也。魴之為美。舊矣。今更與鱣魚連道。以著。韓國水土之善者。蓋魴魚雖等美。而緣水之異。則有優劣。故里語曰。洛鯉伊魴。貴於牛羊。言洛以渾深宜鯉。伊以清淺宜魴也。又曰。居就糧。梁水魴。蓋今遼東梁水之魴。特肥而厚。詩曰。豈其食魚。必河之魴。言無民而不可治。豈其取妻。必齊之姜。言無臣而不可使。所以誘夜其君也。且河性宜魚。

故詩曰。豈其食魚。必河之魴。必河之鯉也。列女傳曰。傳弓以燕牛之角。纏弓以荆麋之筋。糊弓以河魚之膠。說者以為燕角善。楚筋細。河膠黏。音結。詩曰。魴魚頰尾。以譬君子勞於王事。養生經曰。魚勞則尾赤。人勞則髮白。

鱗

今黃鱗魚是也。性浮而善飛躍。故一曰揚也。陸機曰。今黃頰魚。燕頭魚。身頰骨正黃。魚之有力解飛者。一名黃揚。舊說魚膽春夏近下。秋冬近上。

鯉

今玄鯉是也。諸魚中唯有此魚膽甘可食。有舌
鱗細有花文。一名文魚。與蛇通氣。其首戴星。夜
則北嚮。蓋北方之魚也。詩曰：魚麗于留。鱗鈔。其
次曰：魴鯉。又其次曰：鰕鯉。蓋鱗鈔小魚。魴鯉中
魚。鰕鯉大魚。亦其鱗鈔之美。不若魴鯉。魴鯉之
美。不若鰕鯉。故其序如此。今魚品齊魯之間。魴
為下色。鰕為中色。鯉為上色。衡門之詩。先魴後
鯉。亦以此故也。舊云：鯉是公礪蛇所化。至難死。
猶有蛇性。故或謂之鯉。堅也。爾雅曰：鯉大。鯢小。

者。鯢。

音脫

鰕

今鰕額白魚也。一名鮎。音鮎鰕魚。偃鯉魚。俯鯉魚。
圓魴魚。方魚。麗之詩。一章曰：鱗鈔。二章曰：魴鯉。
三章曰：鰕鯉。蓋鱗鈔長魚也。而魴鯉則言其魚
一方一圓。鰕鯉則言其魚一偃一俯。又以著萬
物衆多也。

鱗

音鱗

鱗似鱗魚。而鱗細於鱗。赤眼。詩云：九戩城之
魚。鱗魴。我覲之子。衮衣繡裳。蓋鱗魚圓。魴魚方。

君子道以圓內義以方外而周公之德具焉故是詩主以言之然則鱒象公之圓而衮衣者道也。魴象公之方而繡裳者義也。玄衮纁繡而後可以見周公猶之九斝之取鱒魴也。爾雅曰鱒必音鱒蓋鱒一名魴孫炎正義曰鱒好獨行制字從尊殆以此也。

鮪音委

鮪魚似鱣音旗而青黑長鼻體無鱗甲肉色白味不如鱣大者長七八尺岫居至春始出而浮陽北入河西上龍門入溱沮見日而目眩音眩故詩

言溱沮及河通道此魚夏小正曰祭鮪祭不必記而記鮪何也鮪者魚之先至者也而其至有時禮曰龍以為畜故魚鮪不滄而序詩者亦曰季冬薦魚春獻鮪則鮪別於魚其來尚矣故鮪仲春從河西上得過龍門便化為龍否則點額而還尸子曰龍門魚之難也太行牛之難也蓋河津一名龍門兩傍有山魚莫能上大魚薄集龍門上則為龍不得上輒暴鯁音水次故曰暴鯁龍門垂耳轅下善為魚者不求為龍望禹門輒逝是以無暴鯁點額之患水經曰鮪出鞏穴

直宄有渚。謂之鮪渚。周禮春獻王鮪。然非時及他處則無。故河自鮪宄。已上又無鮪稱。

鱣

鮪肉白。鱣肉黃。鱣大魚。似鱣。音口在頷下。無鱗。長鼻。軟骨。俗謂之玉板。大者長二三丈。江東呼為黃魚。古今注曰。鯉之大者為鮪。鱣之大者為鱣。非是也。按詩曰。有鱣有鮪。鮪鱣。鱣鯉。言鮪矣。而又言鯉。則鮪與鯉異明矣。詩曰。施眾音濊濊。鱣鮪發發。鱣鮪健魚。故其跳躍發發。然不麗於眾。而碩人以刺莊公。詩於鱣鮪言發發。

於鮪鱣言唯唯。則魚之健弱可知也。義訓曰。鱣

音掉尾。口上下噉出。音掩容魚口下也。

鮒

釋魚云。鮒鮒。今吹沙小魚。常張口吹沙。故曰吹沙也。鮒性善沈。大如指。狹圓而長。有墨點。文常沙中行。亦於沙中。孔子故張衡云。縣淵沈之鮒。鮒音也。字指云。鮒鮒屬。詩曰。魚麗于鮒。鱣鮒。鮒鱣。鮒蓋鱣也。鮒也。鯉也。其性浮。鮒也。鱣也。鯉也。其性沈。而留則發。音婦之笱。音取魚器也。其用功寡。又以待魚之自至。今魚麗于留。鱣鮒。鮒鱣。鯉。

沈浮小大美惡與其形色之異。具有則餘物盛多可知也。俗云。魛性沙抱。異物志曰。吹沙長二寸許。背上有刺。螫人。海物異名記曰。魛似鯽而狹小。

鯽音條

鯽魚形狹而長。若條然。故曰鯽也。今江淮之間。謂之魛。魚性浮似鱗而白。蓋鱗從掌。魛謂之殮。其義一也。詩曰。鯽鯽。鯽鯽。先鯽後鯽。先鯽後鯽者。鯽大於鯽。鯽大於鯽。亦其美之遞不如也。

鯽音條

呂子曰。魚之美者。洞庭之鮒。鮒。小魚也。即今之鯽。魚。其魚肉厚而美。性不食釣。本草所謂鯽魚。一名鮒。魚形亦似鯽。色黑而體促。腹大而脊隆。所在池澤皆有之。是也。孟詵云。鯽是稷米化之。其魚腹上猶有米色。易之井曰。井谷射鮒。甕敝漏。蓋九二以陽居陰。不正者也。不正則傍出而下流。以與初矣。故曰。井谷射鮒。以此上行。則亦趨乎下而已。故曰。甕敝漏。初六。陰也。而又居下流。且其賴井之功微矣。故稱鮒焉。莊子曰。周顧視車轍中。有鮒魚焉。曰。吾得斗升之水。然活

爾少牢饋食曰魚用鮒十有五而俎蓋魚水物也故取數於月十有五而盈淮南子曰月虛而魚腦減今此魚旅行吹沫如星然則以相即也謂之鯽以相附也謂之鮒

鯽

鯽魚似魴而弱鱗其色白北土皆呼白鯽西征賦曰華魴躍鱗素鯽揚鬣音性亦旅行故其制字從與亦或謂之鯽音也傳曰連行魚屬若此之類是已失水取死弱魚也今吳越呼鱮鯽魚其頭尤大而肥者徐州人謂之鯽或謂之鱮六

韜曰縉隆餌重則嘉魚食之縉調餌芳則庸魚食之鱮庸魚也故其字從庸蓋魚之不美者故里語曰網魚得鯽不如啖茹而鱮讀曰慵者則又以其性慵弱而不健故也詩曰敝笱在梁其魚魴鱮齊子歸止其從如雨敝笱在梁其魚唯唯齊子歸止其從如水言笱雖敝尚足以制魴鱮之魚非特制魴鱮而已尚足以制魴鱮之魚非特制魴鱮而已蓋魚無不聽從者以刺魯桓微弱曾敝笱之不如也其從如雲者言雲無定性

隨風而已。雲昇而生雨。故如雨繼之。雨降而生水。故如水繼之。言魯桓微弱。不能防閑文姜。其順從如雨之從天。其順從如水之從地者。初亦生於如雲。積以浸大而已。故傳曰。如雲言盛也。如雨言多也。如水言衆也。蓋一為盛。二為多。三為衆。

鮫音交

鮫海魚也。狀似鼈而無足。背文麤錯。皮間有珠。可以飾刀。其子驚則入母腹中。蓋龍珠在頷。鮫珠在皮。蛇珠在口。鼈珠在足。魚珠在眼。蚌珠在

腹也。按天玄主物簿。叙魚珠曰。魚之懷珠。至五十年則無腹。鼓鰓。腦上有汗。其鬐鱗。口眼皆異。鬐當紫色。眼當紅色。口當赤色。又曰。懷珠之蛇。多喜接暗。見人張口。向人吐氣。如燼。是則蛇珠。暨魚亦有懷者。述異記曰。南海有鮫人之室。水居如魚。不廢機織。其眼能泣。則山珠。

鱮音秋

鱮今泥鱮也。似鱣音鱣而短無鱗。以涎自染。難握。與魚而為牝牡。莊子所謂麋與鹿交。鱮與魚游。一名鱮。音孫。炎爾雅正義云。鱮尋也。尋習其泥。

厭其清水。舊說守魚以鼈養魚以鱮。蓋鱮性首
健善擾。令魚利轉。制字從鱮。豈為是乎。恩平郡
譜云。鱮謂之埭。蝦謂之籠。鱮後音謂之衫。蛇謂之
訛。按古方有言。須用流水煮藥者。今鱮即鱮字音入江水輒死。則流水與止水果不同。韓文曰。江
魚不池活。今魚生流水中。則背鱗白而味美。生
止水中。則背鱗黑而味惡。此亦一驗。詩云。豈其
食魚必。河之魴。蓋流水之魚品流自異。

蛟

蛟龍屬也。其狀似蛇而四足。細頸。頸有白嬰。大

者。數圍。卵生。有交。故謂之蛟。亦蛟能交。首尾束
物焉。故謂之蛟也。俗呼馬絆以其如此。述異記
曰。蟒蛇目圓。蛟眉連。連生則交矣。相書所謂
交眉。則蛟蜃之眉是也。一說蛟尾有肉環束物
則以首貫之。舊云。鳳骨黑。蛟骨青。記曰。伐蛟取
鼈。暗登龜取龜。音鄭氏謂蛟言伐者。以其有兵
衛也。龜言登尊之。按古有蛟鮓。又有龍醢。音夫
龍神物也。而可豢。音是亦豕類爾。非真龍也。犬
豕曰豢。夫惟可豢。是以可醢而食。字從肉。蓋以
此。故君子不欲豢於人也。俗說虎中有真虎。龍

中有真龍。星禽衍法曰。角木蛟。亢金龍。氏土貉。房日兔。心月狐。尾火虎。箕水豹。斗木獬。牛金牛。女土蝠。虛日鼠。危月燕。室火豬。壁水獬。奎木狼。婁金狗。胃土雉。昂日雞。畢月烏。觜火猴。參水猿。井木豸。鬼金羊。柳土獐。星日馬。張月鹿。翼火蛇。軫水蚓。獬或作蠚。豸或作鷹。蓋非是。按角木曰蛟。亢金為龍。奎木曰狼。婁金為狗。觜火曰猴。參水為猿。翼火曰蛇。軫水為蚓之類。是皆以類相從。特其氣數有深淺爾。然則牛金曰牛。斗木宜為獬。鬼金曰羊。井木宜為豸也。

增附

鱗族類

鯨

鯨。說文。海中大魚。本作鱣。從魚。𩺰聲。雌曰鯢。雄曰鱣。今文作鯨。爾雅。翼云。鯨從京。大也。常以五月生子於岸。八月導而北。還鼓浪成雷。噴沫成雨。大者數千里長。水族畏之。海岸有獸曰蒲牢。聲如洪鍾。而性畏鯨。鯨躍擊之。鳴聲聞五里。故鑄鍾作蒲牢形。其上斷撞為鯨形。天子出而擊之。東都賦曰。發鯨魚。鏗華鍾。是也。漢書省作京。

又揚雄傳騎京魚。

鱸

鱸松江魚之美者也。語曰：四腮鱸。出得松江天下無齊王問辟張翰為大司馬東曹掾。因秋風起思吳中蓴鱸遂命駕歸。俄而問敗人謂見機。又左慈在曹公坐。公曰：所少者吳江鱸魚為膾爾。慈求銅盆貯水以竿餌釣。須臾引一鱸魚。蘇子云：巨口細鱗狀若松江之鱸。蓋擬之也。

鱠

魚名。薛嘖曰：無鱗口在腹下。賈誼賦：橫江湖之

鱣

鱣

說文：鱣，日南魚名也。狀類蜥蜴，常水潛伏，吞人即浮。字本作鱣，從虫，𠂔聲。今文作鱣，亦作鱣。小者丈餘，大者數丈，善食人。一生百卵，及成形則有為蛇為龜為蛟者，性甚靈。爾雅：翼云：四足似鼉，長二丈餘，喙三尺，長尾而利齒，其尾有涎如膠，掉以取物。其形或玄黃蒼白。韓愈謫潮州，鱣為民患，愈為文祭之。是夕雷雨徙於西海六十里，扶南國溝中養鱣魚，門外養猛獸，有罪者以

饒大虫魚等。不食為無罪而放之。

鮎音粘

爾雅翼云。鮎言其黏滑。與鱣鱠之類。皆謂之無鱗魚。又曰。腹俱大者曰鮎。音背青口小名鮎。背黃腹白名鮎。江東通呼鮎為鮎。亦曰鯢。音題。今黃鮎魚與彼相類。但彼黃爾。

鮎

說文。鮎魚名。從魚容聲。似鯰黑而頭大。一名鮎。里語曰。網魚得鮎。不如取鮎。頭大而肥者。徐州謂之鯰。或謂之鮎。幽州謂之鮎。後人以鮎

為鯰字。不復用鮎字也。

鮎音粘

鮎魚名。山海經曰。鮎狀如覆。頭鳥首而魚尾。音如磬。生珠玉。文選。江賦。文鮎孕珍是也。

鮎

鮎魚名。魚之美者。廣韻似鮎。肥美。江東四月有之。或作鮎。通作時。

蝦

說文。蝦從虫段聲。其蟲與水母游。爾雅翼云。蝦多漬。善游而好躍。其字從假。蓋假物而遠者也。